



Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13) i Odluke o utvrđivanju Standarda i kriterija Vlade Zeničko-dobojskog kantona za imenovanja/nominiranja za upražnjenu poziciju u reguliranim tijelima Zeničko-dobojskog kantona („Službene novine Zeničko-dobojskog kantona“, broj: 4/15, 7/15 i 11/16), Ministarstvo za poljoprivredu, šumarstvo i vodoprivredu Zeničko-dobojskog kantona, raspisuje:

JAVNI OGLAS

za izbor i imenovanje na upražnjene pozicije članova Nadzornog odbora Javnog preduzeća „Šumsko-privredno društvo Zeničko-dobojskog kantona“ d.o.o. Zavidovići

I PREDMET JAVNOG OGLASA

Raspisuje se Javni oglas za izbor i imenovanje na upražnjene pozicije članova Nadzornog odbora Javnog preduzeća „Šumsko-privredno društvo Zeničko-dobojskog kantona“ d.o.o. Zavidovići (u daljem tekstu: Društvo):

- Član Nadzornog odbora Društva.....5

II OPIS POZICIJE

Nadzorni odbor Društva nadzire poslovanje Društva, usvaja poslovne strategije Društva i planove poslovanja te predlaže Skupštini Društva usvajanje trogodišnjeg plana poslovanja; utvrđuje prijedloge Statuta i Poslovnika o radu Skupštine, Nadzornog odbora i Odbora za reviziju i njihove izmjene i dopune i predlaže ih Skupštini; priprema etički kodeks i predlaže ga Skupštini; saziva Skupštinu Društva; bira predsjednika i zamjenika predsjednika Nadzornog odbora; vrši izbor kandidata Odbora za reviziju i podnosi prijedlog za njegovo imenovanje Skupštini Društva; razmatra Pravilnik o javnim nabavkama i nadzire njegovo provođenje; daje mišljenje Skupštini o prijedlogu Uprave za raspodjelu dobiti; predlaže način pokrića gubitka; bira članove Uprave i na osnovu prethodne saglasnosti Vlade iste imenuje i razriješava; utvrđuje visinu plaća članovima Uprave; daje saglasnost Upravi na izbor sekretara Društva; daje ovlaštenja za aktivnosti koje su ograničene Zakonom o javnim preduzećima; daje upute Upravi za provođenje preporuka u vezi sa uočenim nepravilnostima od strane Odbora za reviziju i vanjskog revizora te nadzire Upravu u provođenju istih; usvaja izvještaj Uprave o poslovanju po polugodišnjem obračunu, sa bilansom stanja i bilansom uspjeha i izvještajem Odbora za reviziju; usvaja izvještaj Uprave o poslovanju po godišnjem obračunu, koji uključuje finansijski izvještaj i izvještaje revizora, Nadzornog odbora i Odbora za reviziju; podnosi Skupštini Društva godišnji izvještaj o poslovanju Društva, koji uključuje finansijski izvještaj i izvještaje revizora, Nadzornog odbora i Odbora za reviziju; odobrava kupovinu, prodaju, zamjenu, uzimanje u lizing, uzimanje kredita i druge transakcije imovinom, direktno ili posredstvom supsidijarnih društava u toku poslovne godine u obimu od 15% (petnaest odsto) do 33% (trideset i tri odsto) knjigovodstvene vrijednosti ukupne imovine Društva, po bilansu stanja na kraju prethodne godine; predlaže Skupštini kupovinu, prodaju, zamjenu, uzimanje ili davanje u lizing, uzimanje ili davanje kredita i druge transakcije imovinom, direktno ili posredstvom supsidijarnih društava u toku poslovne godine u obimu većem od 33% knjigovodstvene vrijednosti ukupne imovine dioničkog društva po bilansu stanja na kraju prethodne godine; imenuje povremene komisije i utvrđuje njihov sastav i zadatke; donosi pravilnike i ostale opće akte Društva, a na prijedlog Uprave; obavlja i druge poslove predviđene zakonom.

III MANDAT I NAKNADA ZA RAD

Mandat izabranih članova Nadzornog odbora Društva traje četiri godine s mogućnošću ponovnog imenovanja. Konačna imenovanja članova Nadzornog odbora vrši Skupština Društva. Članovi Nadzornog odbora Društva imaju pravo na naknadu za rad.

IV OPĆI I POSEBNI USLOVI

Svi kandidati za imenovanje na poziciju člana Nadzornog odbora Društva moraju ispunjavati opće i posebne uslove.

1. Opći uslovi:

- a) da je državljanin Bosne i Hercegovine,
- b) da je stariji od 18 godina,
- c) da nije otpušten iz državne službe kao rezultat disciplinske mjere (bilo na nivou države ili entiteta) u periodu od tri godine prije dana objavljivanja upražnjene pozicije,
- d) da se na njih ne odnosi član IX.1. Ustava Bosne i Hercegovine,
- e) da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", broj: 12/03, 34/03 i 65/13),
- f) da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji Bosne i Hercegovine („Službene novine Federacije Bosne i Hercegovine”, broj: 70/08),
- g) da nema privatni i/ili finansijski interes u instituciji u kojoj se kandiduje,
- h) da nije osuđivan za krivično djelo nespojivo sa imenovanjem na dužnost u instituciji u koju se kandiduje, pet godina od dana pravosnažnosti presude, isključujući vrijeme zatvorske kazne,
- i) da mu nije izrečena zaštitna mjera zabrane obavljanja aktivnosti, tri godine od dana pravosnažnosti odluke o izrečenoj zaštitnoj mjeri.

2. Posebni uslovi:

- a) VSS, VII stepen stručne spreme, dokaz o završenom visokom obrazovanju, odnosno prvog (najmanje 240 ECTS bodova) drugog ili trećeg ciklusa Bolonjskog sistema studiranja,
- b) najmanje 5 godina radnog iskustva nakon sticanja visoke stručne spreme,
- c) da nije član nadzornog odbora ili upravnog odbora, odnosno odbora za reviziju nekog privrednog društva ili ustanove,
- d) da nije dioničar sa 50% i više dionica, direktor i član uprave bilo kojeg dioničkog društva, kao i vlasnik sa 50% i više vlasništva, direktor i član uprave bilo kojeg društva sa ograničenom odgovornošću,
- e) da nije član Skupštine Javnog preduzeća „Šumsko-privredno društvo Zeničko-dobojskog kantona“ d.o.o. Zavidovići,
- f) da posjeduje Certifikat o završenom usavršavanju izdat od strane nadležnog organa, a u skladu sa važećim odredbama Uredbe o usavršavanju predsjednika i članova nadzornih odbora i uprava privrednih društava sa sudjelovanjem državnog kapitala,
- g) da posjeduje stručno znanje iz oblasti rada i organizacije privrednih društava i/ili institucija,
- h) komunikacijske i organizacijske sposobnosti,
- i) sposobnost tumačenja ekonomskih, tehnoloških i pravnih analiza i propisa,
- j) sposobnost upravljanja finansijskim i ljudskim resursima.

V POTREBNA DOKUMENTACIJA

Uz prijavu na Javni oglas, koja treba sadržavati kraću biografiju, adresu i kontakt telefon, kandidati su dužni priložiti original ili ovjerene kopije dokumenata o ispunjavanju općih i posebnih uslova Javnog oglasa, i to:

- a) Uvjerjenje o državljanstvu Bosne i Hercegovinom ne starije od 6 mjeseci ili CIPS potvrdu;
- b) Izvod iz matične knjige rođenih-rodni list;
- c) Univerzitetsku diplomu;
- d) Uvjerjenje/potvrdu o radnom iskustvu nakon sticanja visoke stručne spreme;

- e) Uvjerjenje/potvrdu da kandidatu nije izrečena zaštitna mjera zabrane obavljanja aktivnosti, tri godine od dana pravosnažnosti odluke o izrečenoj zaštitnoj mjeri izdato od nadležnog Općinskog suda prema mjestu prebivališta kandidata, iz tekuće godine;
- f) Ovjerene izjave kandidata za zahtjeve iz tački c), d), e), f) i g) Općih uslova ovog Javnog oglasa.
- g) Ovjerene izjave kandidata za zahtjeve iz tački c), d), e) Posebnih uslova ovog Javnog oglasa.
- h) Certifikat da je kandidat prošao odgovarajuće usavršavanje u skladu sa Zakonom o privrednim društvima i Uredbom Vlade Federacije BiH o usavršavanju predsjednika i članova nadzornih odbora i uprava privrednih društava sa učešćem državnog kapitala, odnosno ovjerenu izjavu da preuzimaju obavezu da usavršavanje obave u roku utvrđenom naprijed navedenom Uredbom Vlade Federacije BiH.

VI NAPOMENA

Dokaz da kandidat nije osuđivan za krivično djelo od nadležnog MUP-a službeno će se zatražiti za kandidate koji budu predloženi za konačno imenovanje. Prilikom procjene posebnih uslova, kriteriji navedeni pod tačkama od g) do j) iz Posebnih uslova, izrazit će se u bodovima od 1-5.

Kandidati koji ispunjavaju uslove propisane ovim Javnim oglasom, bit će stavljeni na listu sa užim izborom i pozvani na intervju pred Komisiju za izbor na upražnjene pozicije u reguliranim tijelima Zeničko-dobojskog kantona (u daljem tekstu: Komisija za izbor). Prije intervjua, kandidati će biti pozvani da daju podatke o ranijim neposrednim rukovodiocima od kojih se mogu zatražiti dodatne preporuke i informacije o njihovom dosadašnjem radu i dužni popuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja.

Lični podaci o podnosiocima prijave su tajni i mogu se prikupljati i obrađivati samo u skladu sa Zakonom o zaštiti ličnih podataka BiH („Službeni glasnik BiH“, broj: 47/06, 76/11 i 89/11).

Kandidate koje nakon intervjua preporučí Komisija za izbor, smatrat će se da su najuspješnije prošli otvorenu konkurenciju.

U slučaju kada postoje dokazi da u postupku imenovanja nisu ispoštovani principi ili postupci utvrđeni Zakonom o ministarskim, vladinim i drugim imenovanjima Federacije Bosne i Hercegovine, zainteresovana stranka može podnijeti prigovor na konačno imenovanje. Prigovor se podnosi Vladi Zeničko-dobojskog kantona, putem Ministarstva za poljoprivredu, šumarstvo i vodoprivredu, a kopija se dostavlja Uredu Ombusmena za ljudska prava Bosne i Hercegovine.

Javni oglas će biti objavljen u „Službenim novinama Federacije Bosne i Hercegovine“, dnevnom listu „Dnevni avaz“ i na web stranici Zeničko-dobojskog kantona.

Javni oglas ostaje otvoren 15 (petnaest) dana od dana posljednjeg javnog objavljivanja.

Prijave sa traženom dokumentacijom treba dostaviti u zatvorenoj koverti lično na protokol Zeničko-dobojskog kantona ili poštom, preporučeno na adresu:

ZENIČKO-DOBOJSKI KANTON
MINISTARSTVO ZA POLJOPRIVREDU, ŠUMARSTVO I VODOPRIVREDU
Kućukovići broj 2, 72000 Zenica

Uz naznaku:

„Prijava na Javni oglas za izbor i imenovanje na upražnjene pozicije članova Nadzornog odbora Javnog preduzeća „Šumsko-privredno društvo Zeničko-dobojskog kantona“ d.o.o.

Zavidovići

-NE OTVARATI-

Neblagovremene i nepotpune prijave neće se uzeti u razmatranje.

MINISTAR

Mirsad Hadžić

